

YES LES MIAS

Yes Les Mias, Zaj 1 thiab 2

Tswv Ntuj hu Yes Les Mias ua Yaj Saub. 1 : 1 - 2 + 4 - 10 + 17 - 19.

1 1 Yes Les Mias cov lus. Yes Les Mias yog His Kis Yas Hus tus tub, nyob As Nas Tos, hauv Npes Yas Mis teb chaws. 2 Lub caij ntawd Yos Xias ua vaj kav Yus Das teb tau kaum peb xyoos.

4 HUAB TAIS hais rau kuv li no:
5 "Thaum koj tseem tsis tau xeeb hauv koj niam plab, kuv twb paub koj lawm. Koj tseem tsis tau tawm hauv koj niam lub plab los, kuv twb xaiv koj, kuv twb tsa koj ua tus Yaj Saub qhia cov kuj cuab."

6 Kuv hais tias :

"HUAB TAIS, koj ntsia, kuv tsis txawj hais lus, vim kuv yog ib tug me nyuam yaus !"

7 HUAB TAIS hais tias :

"Koj tsis txhob hais tias : 'Kuv yog ib tug me nyuam yaus !' Koj yuav mus cuag cov neeg kuv xa koj mus. Thiab koj yuav hais txhua yam kuv qhia koj hais. 8 Koj tsis txhob ntshai nyob ntawm lawv xub ntiag, vim kuv nrog koj, kuv yuav npo koj dim.

Yog HUAB TAIS lo lus ceeb toom."

9 HUAB TAIS cev tes tuaj chwv kuv qhov ncauj, nws hais rau kuv tias :

"Ntsia saib : Kuv muab kuv cov lus rau hauv koj qhov ncauj. 10 Koj ntsia, hnub no kuv tsa koj rau saum cov kuj cuab thiab cov ceeb tsheej. Koj yuav rho thiab yuav ntov. Koj yuav ua kom ploj thiab yuav rhuav, koj yuav txhim thiab yuav cog. 17 Koj sia koj duav khov. Koj sawv tsees mas ! Koj yuav hais txhua yam kuv qhia koj hais no rau lawv. Koj tsis txhob tshee nyob ntawm sawv daws

xub ntiag. Yog koj tshee mas kuv yuav ua kom koj tshee nyob ntawm lawv xub ntiag.

18 Koj saib : hnub no kuv muab koj los ua ib lub tsheej xov ntsa zeb, ua ib tug ncej hlau, ua ib lub phab ntsa tooj tiv tas lub teb chaws, tiv cov vaj Yus Das, tiv cov nom tswv nyob Yus Das teb, tiv cov Leej Choj thiab tiv tsoom pej xeem huv tib si nyob hauv lub teb chaws.

19 Lawv yuav nrog koj sib ntaus rog, tab sis lawv yuav tsis yeej koj, vim kuv nrog koj nyob, kuv npo koj.
Yog HUAB TAIS lo lus ceeb toom.

His Xas Lais ntxeev siab rau HUAB TAIS. 2 : 1 - 3 + 7 - 8 + 12 - 13.

2 1 HUAB TAIS lo lus tuaj txog kuv li no:

2 "Koj mus qw rau Yes Lus Xas Les cov pob ntseg tias HUAB TAIS hais li no : Kuv nco txog thaum koj hluas, koj npuab kuv, koj nyiam kuv, koj raws kuv mus hauv teb chaws suab puam, hauv lub teb chaws tsis tseb noob.

3 Thaum ntawd, His Xas Lais yog lub cuab tam HUAB TAIS qee, yog HUAB TAIS thawj phaum qoob siav. Leej twg noj His Xas Lais mas leej twg yuav muaj txhaum thiab raug xwv txheej.
Yog HUAB TAIS lo lus ceeb toom.

7 Kuv coj nej los nyob hauv ib lub teb chaws muaj vaj txiv ntoo, kom nej tau noj cov txiv ntoo, thiab tau lub cuab tam. Tab sis thaum nej los nyob hauv nej ua lub teb chaws tsis huv, nej muab kuv lub cuab tam hloov ua ib yam phem tsiv saib.

8 Cov Leej Choj tsis qhia tias HUAB TAIS nyob qhov twg. Cov ceev Txoj Cai

twb tsis paub kuv lawm. Cov tswv zov yaj tsis paub kuv. Cov Yaj Saub tuav txog Npas Has lub npe ua Yaj Saub. Lawv khiav raws cov tsis muaj qab hau. 12 Cuaj txheej ntuj, nej ceeb nkaus mas ! Nej tshee, nej nyob hab nuv mas ! Yog HUAB TAIS lo lus ceeb toom. 13 Kuv haiv neeg ua ob yam phen. Lawv tso kuv pov tseg, kuv uas yog lub qhov dej txhawv muaj txoj sia. Lawv mus khawb lawv tej qhov tim thaj. Tej qhov ntawd yog cov qhov tim thaj tawg pleb uas dej xau tas."

**Yav tom ntej Tswv Ntuj haiv neeg
yuav coj ib lub siab tshiab.**

3 : 14 - 17.

3 14 HUAB TAIS lo lus ceeb toom. "Cov tub uas ntxeev siab mus teev dab, nej tig rov los mas ! Nej tus Tswv Ntuj yog kuv ! Kuv yuav muab nej ib leeg hauv ib lub nroog, ob leeg hauv ib yig neeg, kuv yuav coj nej rov los nyob pem Xis Yoos.

15 Kuv yuav muab ib co tswv zov yaj uas kuv nyiam rau nej. Lawv yuav ua neeg paub txuj thiab xyuam xim coj nej mus nog zaub. 16 Thaum nej huam vam thiab txi tau txiv nyob hauv lub teb chaws lawm, mas nej yuav tsis hais txog HUAB TAIS lub Xab Cog Lus. Lub Xab Cog Lus yuav tsis nkag los nyob hauv nej siab, nej yuav tsis khuv xim, nej yuav tsis txua dua lwm lub ntxiv.

17 Thaum ntawd nej yuav hu Yes Lus Xas Les ua :

"HUAB TAIS lub theej kiab."

Txhua lub kuj cuab yuav tuaj sib txoos nyob Yes Lus Xas Les. Lawv yuav tsis ua neeg twm xeeb mloog lawv lub siab phen ntxiv.

Txoj kev teev Ntuj tseem ceeb.

7 : 1 - 11.

7 1 Muaj ib hnub, kuv hnov HUAB TAIS ib lo lus hais rau kuv li no :

2 "Koj mus sawv nyob ntawm lub qhov rooj chaws mus hauv HUAB TAIS tsev. Koj tshaj lo lus no nyob ntawd : cov Yus Das sawv daws uas nej chaws cov qhov rooj no mus teev HUAB TAIS, nej mloog HUAB TAIS los lus no mog.

3 His Xas Lais tus Tswv Ntuj, tus HUAB TAIS kav tsoom tub rog hais li no : Nej kho nej tus yeeb yam thiab nej tej hauj lwm kom zoo, kuv thiaj yuav cia nej nyob hauv thaj chaw no.

4 Nej txhob tso siab rau cov lus dag tias : Lub tsev no yog HUAB TAIS lub, yog HUAB TAIS lub tsev !

5 Yog nej kho nej tus yeeb yam thiab nej tej hauj lwm kom zoo, yog nej ua ncaj rau sawv daws, 6 yog nej tsis yuam cov pej kum neeg, cov me nyuam ntsuag thiab poj ntsuam, yog nej tsis tua cov neeg tsis muaj txhaum, yog nej tsis yuam kev mus teev lwm cov tswv ntuj, 7 mas kuv thiaj yuav ua kom nej tau ua neej nyob hauv thaj chaw uas kuv ib txwm muab rau nej cov yawg koob, thiab kuv xav muab rau nej nyob mus li.

8 Tab sis nej tso siab rau tej lus dag, tsis muaj qab hau, 9 ces nej ua tub sab, nej tua neeg, nej zes luag poj luag sev, nej twv ntuj kom nej tau kev dag. Nej hlawv xyab hlawv ntawv rau Npas Has, nej teev lwm cov tswv ntuj uas nej tsis paub.

10 Nej ua li ntawd tas, nej tseem tuaj hauv lub Tuam Tsev no, yog lub tsev teev kuv lub npe, nej tseem hais tias :

"Peb yog cov neeg uas Ntuj cawm !"

Ces nej mus ua yam phen uas tsiv saib tshaj.

11 Nej puas saib tias lub Tuam Tsev ris kuv lub npe no, yog tub sab lub chaw nkaum ? Tab sis kuv kuj pom kev thiab kuv tsis dig muag.

Yog HUAB TAIS lo lus ceeb toom.

Cov His Xas Lais tsis mloog Tswv Ntuj lus. 7 : 23 - 28.

23 Ntawm no yog qhov kuv qhia kom lawv ua. Kuv tau hais rau lawv tias :

"Nej mloog kuv lub suab, ces kuv yuav yog nej tus Tswv Ntuj thiab nej yuav yog kuv haiv neeg. Nej yuav taug nraim txoj kev uas kuv qhia kom nej mus, nej thiab yuav nyob kaj siab lug."

24 Tab sis lawv tsis mloog, lawv tsis tig pob ntseg los, lawv ua raws lawv lub siab xav. Lawv ua neeg twm xeeb mloog lawv lub siab phem. Lawv thaub qab, tsis tig lawv lub ntsej muag los.

25 Txij hnub nej cov yawg koob tawm hauv Hais Nkws Tos teb los txog hnub no, kuv tau xa kuv cov tub txib Yaj Saub tuaj rau nej sawv daws. Kuv niaj hnub xa tsis tseg. 26 Tab sis lawv tsis tig ntsej mloog kuv, lawv qig lus kawg, lawv tseem ua phem dua lawv cov yawg koob.

27 Koj yuav hais cov lus no tas huv si rau lawv, lawv yuav tsis mloog koj. Koj yuav hu lawv, tab sis lawv yuav tsis teb koj.

28 Ces koj yuav hais rau lawv tias : nej yog haiv neeg uas tsis mloog nws tus HUAB TAIS Tswv Ntuj thiab tsis kam txais cov lus qhia nws. Kev hais qhov tseeb ploj lawm. Kev hais qhov tseeb tsis nyob hauv lawv lub ncauj lawm.

Cov Yus Das xav muab Yes Les Mias tua. 11 : 18 - 20.

11 18 HUAB TAIS xub qhia kuv

mas kuv thiaj paub tias lawv ua dab tsi rau kuv. 19 Kuv zoo xws li tus thav yaj uas luag cab mus hauv lub tsev tua tsiaj. Kuv tsis paub tias lawv xav ua phem rau kuv. Lawv hais tias :

"Peb muab tus ntoo ntawd rhuav pov tseg kom nws txlob nrog cov neeg ciaj nyob, kom txlob muaj ib tug neeg nco txog nws lub npe."

20 Tsoom tub rog tus HUAB TAIS, koj yog tus txiav txim raws txoj kev ncaj, koj yog tus tsom hauv neeg nruab siab thiab tsom neeg tus duab, kuv thov koj pub kuv pom tias koj yuav txiav txim li cas, vim kuv cia koj ua tus tu rooj plaub no.

Txoj siv uas muab zais tom tus dej Aws Fas Tes. 13 : 1 - 11.

13 1 HUAB TAIS hais ib lo lus rau kuv li no :

"Koj mus muas ib txog siv ntaub maj, koj muab sia duav, koj tsis txlob muab raus dej."

2 Ces kuv mus muas ib txog siv, kuv muab sia ntawm duav raws li HUAB TAIS lo lus. 3 HUAB TAIS rov hais lus zaum ob rau kuv, nws hais lo lus no :

4 "Koj hle txoj siv koj muas los sia duav, koj sawv tsees, koj mus nram tus dej Aws Fas Tes, koj muab txoj siv zais rau hauv cov kis zeb."

5 Ces kuv mus zais txoj siv nyob tom tus dej Aws Fas Tes raws li HUAB TAIS qhia kom ua. 6 Ntev hnub tom qab, HUAB TAIS hais rau kuv tias :

"Koj sawv mas ! Koj mus nram tus dej Aws Fas Tes, koj nqa txoj siv uas kuv kom koj coj mus zais rau ntawd rov los."

7 Kuv mus txog ntawm tus dej Aws Fas Tes, kuv rub txoj siv hauv qhov chaw kuv zais los. Txoj siv lwj tas tsis zoo ua dab tsi lawm.

8 Ces HUAB TAIS hais ib lo lus rau kuv li no :

"Kuv yuav ua zoo li ntawd los rhuav Yus Das thiab Yes Lus Xas Les txoj kev muab hlob. 10 Haiv neeg siab phem ntawd tsis xav mloog kuv cov lus, lawv mus raws lawv lub siab twm xeeb, lawv mus tsob hwb lwm tus tswv ntuj, lawv pe cov dab ntawd. Lawv yuav zoo li txoj siv uas tsis zoo ua dab tsi ntawd.

11 Kuv muab Yus Das tsev neeg los khi rau kuv xws li txoj siv khi neeg duav, kuv xav kom lawv ua kuv haiv neeg, kuv lub koob meej, kuv lub hwj chim. Tab sis lawv tsis mloog lus !"

**Yus Das raug txom nyem : thov
HUAB TAIS zam txhaum.**

14 : 17 - 22.

14 17 Koj yuav hais lo lus no rau lawv :

"Kuv kua muag poob tsis tseg, tsis hais nruab hnub los hmo ntuj ! Kuv haiv neeg tus ntxhais nkauj xwb tsim txiaj raug xwv txheej loj, nws raug mob hnyav, kho tsis tau.

18 Yog kuv tawm mus nruab liaj nruab teb, mas kuv twb pom neeg raug ntaj tua. Yog kuv mus hauv mroog, mas kuv pom neeg raug kev tshaib kev nqhis. Muaj tseeb : tab yog cov Yaj Saub thiab cov Leej Choj, uas lawv mus ncig teb ncig chaw, tsis kav lawv tsis to taub lawm !

19 HUAB TAIS, koy puas txiav tu nrho xyeeb hlo Yus Das pov tseg ?

Puas yog vim Xis Yoos dhuav koy dhau ? Ua cas koy thiaj muab peb ntaus li no, kho puas tau peb tus mob ? Peb tos txoj kev thaj yeeb. Tab sis peb tsis tau dab tsi zoo li. Peb tos lub caij peb tus mob yuav zoo, tab sis peb tsuas pom kev ntshai li ntshai tuav plig rawv.

20 HUAB TAIS, peb paub tias peb lub siab lim hiam, peb paub peb cov yawg koob qhov yuam kev, peb tau ua txhaum rau koy tiag. 21 Thov koy txaug koy lub npe mog ! Koy txhob thuam lub theej kiab txawb koy lub hwj chim. Koy nco ntsoov mog ! Koy txhob rhuav lo lus koy nrog peb cog.

22 Nyob hauv cov kuj cuab tsoom dab, puas muaj ib tug txawj ua kom nag poob los ? Puas yog lub ntuj tso nag los ? Peb tus HUAB TAIS Tswv Ntuj, tsis yog koy tso nag los lod ? Peb tso siab rau koy, vim tas puas tsav yam ntawd yog koy ua."

Tswv Ntuj rov hu Yes Les Mias.

15 : 10 + 16 - 21.

15 10 "Kuv niad, koy Yug kuv los kuv tau txoj hmoov phem, koy Yug kuv los ua kom lub teb chaws sib cav sib ceg tsis sib haum. Kuv tsis tau qiv tsis tau txais dab tsi, tsis kav sawv daws ntxub kuv. 16 Thaum kuv hnov koy cov lus, kuv muab siab rau mloog. Koy cov lus yog kuv txoj kev dhia daj dhia luag, yog kuv lub chaw hom khaj. Vim kuv hwm koy lub npe, tus HUAB TAIS Tswv Ntuj kav tsoom tub rog.

17 Kuv tsis tau nrog cov neeg nyiam luag lom zem zaum ua si ib zaug li. Kuv cia koy txhais tes tuav kuv, kuv zaum kuv ib cag, vim koy ua kuv npau taws heev.

18 Vim li cas kuv lub niag mob ntawd thiaj yuav tsis muaj caij xaus ? Vim li cas kuv lub qhov txhab koy tsis tau kom rov zoo hlo ? Koy puas yog ib tug dej ntxias kuv xwb ? Koy puas yog ib co dej uas tso siab tsis tau rau ?

19 Ces HUAB TAIS hais li no :

"Yog koy tig rov qab los, mas kuv yuav hu koy rov los nyob ntawm kuv xub ntiag. Yog koy hais tej lo lus tsim txiaj, tso cov

lus tsis muaj nqes pov tseg mas koj yuav yog kuv lub qhov ncauj. Lawv yuav rov los cuag koj, tsis tas koj yuav mus cuag lawv ! 20 Kuv yuav muab koj los ua ib lub ntsa tooj uas lawv ntaus tsis vau.

Lawv yuav tsa rog ntaus koj, tab sis lawv yuav tsis yeej koj, vim kuv nrog koj nyob, kuv cawm koj thiab npo koj dim.

Yog HUAB TAIS lo lus ceeb toom.

21 Kuv yuav npo koj ntawm cov neeg siab phem txhais tes, kuv yuav chua koj ntawm cov neeg siab heev xub ntiag."

**Ib co lus qhia ua neeg thoob tsib.
17 : 5 - 10.**

17 5 HUAB TAIS hais li no :

"Tus neeg uas tso siab rau lwm tus neeg mas nws tzoj hmoov yuav phem. Nws muab lub cev nqaij los ua nws lub zog, hos nws lub siab txav mus nyob deb ntawm HUAB TAIS.

6 Nws zoo li ib tsob pos tuaj nyob hauv hav maj sab. Nws tsis pom tzoj kev noj qab nyob zoo tuaj txog. Nws nyob hauv ib lub teb chaws suab puam qhuav, nyob hauv ib thaj av daw ntsev tsis muaj neeg nyob.

7 Hos tus neeg tso siab rau HUAB TAIS thiab npuab HUAB TAIS, mas nws tzoj hmoov yuav zoo. 8 Nws zoo li ib tsob ntoo cog ze ntug dej. Nws nrhau cag mus txog tus dej. Thaum txog lub caij ntuj qhua nws tsis ntshai. Nws cov nplooj ntsuab mos nyoos mus li. Thaum txog lub xyoo ntuj qhuav qhawv nws tsis txhawj, nws txi txiv tsis tseg.

9 Neeg lub siab nkhaus tshaj, kho tsis tau nws. Leej twg yuav paub tau nws ?

10 Kuv yog HUAB TAIS, kuv pom tau hauv neeg nruab siab, kuv tsom tau hauv neeg lub cev. Kuv pub rau neeg raws li nws tus yam ntxwv. Kuv pub nqi zog rau

neeg raws li nws cov hauj lwm".

Thov kom Tswv Ntuj pauj cov neeg phem. 17 : 13 - 18.

13 HUAB TAIS, koj yog His Xas Lais lub chaw tso siab. Cov neeg tso koj pov tseg mas lawv yuav txaj muag. Cov neeg txav mus deb ntawm koj yuav raug than ntawm lub teb chaws no mus, vim lawv tso lub qhov dej txhawv muaj sia pov tseg.

14 HUAB TAIS, thov koj kho kuv tus mob ces kuv tus mob yuav zoo tu qab. Thov koj cawm kuv mas kuv thiaj yuav dim. Koj yog tus uas kuv cav lus zoo txog.

15 Luag hais rau kuv tias :
"HUAB TAIS lo lus dua qhov twg lawm ? Puas yuav muaj ib zaug raws li HUAB TAIS cog lus tseg ?"

16 HUAB TAIS, kuv tsis taij kom koj xa qhov phem tuaj, kuv tsis ntshaw txog lub hnub nyoog uas lub teb chaws ploj. Koj paub qhov ntawd. Cov lus tawm ntawm kuv di ncauj los puav leej nyob ntawm koj xub ntiag.

"HUAB TAIS, koj txhab ua tus kuv ntshai. Thaum txog hnub raug xwv txheej koj yog kuv lub chaw nkaum.

18 Kuv thov kom cov neeg hiam kuv raug tzoj kev txaj muag. Tzoj kev txaj muag txhab tuaj raug kuv. Kuv thov kom cov neeg hiam kuv tau raug tzoj kev ntshai rwg. Tzoj kev ntshai rwg txhab tuaj raug kuv. Thov koj ua kom ib lub caij txom nyem tuaj raug lawv, koj ua kom lawv tawg loj dua ob npaug."

Tus puab lauj kaub. 18 : 1- 6.

18 1 HUAB TAIS ib lo lus nrov tuaj txog Yes Les Mias li no :

2 "Koj sawv tsees ! Koj mus nram tus puab lauj kaub tsev. Thaum koj nyob nrad, kuv thiaj yuav ua kom koj hnov kuv cov lus.

3 Ces kuv mus nram tus puab lauj kaub. Kuv pom nws tab tom ua hauj lwm ntawm nws cov lauj kaub av. 4 Thaum muaj ib lub lauj kaub nws puab tsis zoo lawm, mas nws rov muab puab dua lwm lub kom xis nws siab.

5 Ces kuv hnov HUAB TAIS ib lo lus li no :

6 "His Xas Lais tsev neeg, kuv yuav ua rau nej xws li tus puab lauj kaub ntawd. His Xas Lais tsev neeg nej nyob hauv kuv txhais tes xws li cov av nyob hauv tus puab lauj kaub txhais tes."

**Yes Les Mias tsawm cov Yus Das
vim lawv xav muab nws tua.**

18 : 18 - 23

18 Yes Les Mias cov yeeb ncuab hais li no :

"Nej tuaj ! Peb sab laj saib peb yuav ua li cas rau Yes Les Mias !

Tab yog tus ntawd tsis nyob lawm, cov Leej Choj kuj tseem yuav txawj qhia, cov txwj laus tseem yuav xyuam xim, cov Yaj Saub tseem yuav txawj tshaj lus. Peb kav tsij muab nws cov lus los ntaus nws. Peb kav tsij rau siab mloog cov lus nws hais."

19 HUAB TAIS, thov koj mloog kuv. Thov koj ! Koj yuav hnov cov lus lawv liam rau kuv. 20 Koj puas yuav cia lawv ua tej yam phem los pauj tej yam zoo uas kuv ua rau lawv ?

Lawv khawb ib lub qhov taub tos kuv. HUAB TAIS, thov koj nco ntsoov tias kuv twb tau sawv ntsug nyob ntawm koj xub ntiag, kuv tau cav lus zoo txog lawv kom koj txhob npau taws rau lawv.

21 HUAB TAIS, koj ua kom lawv cov

tub raug kev tshaib kev nqhis ! Kom lawv cov tub raug ntaj txiav ! Kom lawv tej poj niam txhob muaj tub ki thiab kom lawv cov txiv tuag ! Kom lawv tej txiv raug mob aws tuag pawg lug. Kom lawv cov tub ki sib ntaus rog, raug ntaj tua lawv ! 22 Kom tej suab qw nrov hauv lawv cov tsev tuaj, vim koj tso ib co tub sab tuaj lwg lawv tsev. HUAB TAIS, thov koj ua li ntawd, vim lawv khawb ib lub qhov tos kuv thiab lawv cuab ntxiab tav kuv kev.

23 HUAB TAIS, koj twb pom zoo hauv lawv nruab siab, lawv xav muab kuv tua. Koj txhob zam txhaum rau lawv. Koj txhob ntxuav lawv tej qhov phem nyob ntawm koj lub ntsej muag. Kom lawv ntog nyob ntawm koj xub ntiag. Thaum txog lub caij koj npau taws, koj muab txim rau lawv !

**Yes Les Mias zais tsis tau cov lus
uas Tswv Ntuj kom nws tshaj.**

20 : 7 - 13.

20 7 HUAB TAIS, koj ntxias tau kuv lawm. Kuv mag koj ntxias. Koj nthos tau kuv lawm, koj yeej kuv lawm. Luag niaj hnub thuam kuv, thiab hnyos kuv. 8 Kuv hais lus zaum twg mas kuv yuav tsum qw thiab tshaj tias :

"Peb teb chaws yuav raug luag ntaus, peb teb chaws yuav ploj mus."

Tas niaj tas hnub HUAB TAIS lo lus uas kuv tshaj ua kom kuv txaj muag thiab raug luag thuam.

9 Ces kuv hais tias :

"Kuv yuav tsis nco txog HUAB TAIS ntxiv, kuv yuav tsis tuav txog nws lub npe lawm. Tab sis nyob hauv kuv nruab siab thiab hauv kuv tej pob txha mas cuag li muaj hluav taws hlawv kuv." Kuv siv zog cheem kuv kom cov hluav taws

ntawd txhob tshwm rau sab nraud, tab sis kuv nyiaj tsis taus li.

10 Kuv hnov nttau leej hais tej yam ntais ntuj txog kuv tias :

"Peb kav tsij tso hem thawj rau nws tsis tseg mas ! Peb mus kom nws rau cov nom !"

Cov uas thaud lawv yog kuv cov phooj ywg, lawv nyas saib kuv puas yuav ntog. Lawv hais tias :

"Nyaj tej zaus, nws yuav mloog cov neeg ntxias. Ces peb yuav yeej nws, peb yuav tau kev rob caub."

11 Tab sis HUAB TAIS tsa kuv cai, HUAB TAIS yog zoo li ib tug peeb zeej zog nchav. Kuv cov yeeb ncuab yuav ntog, lawv yuav tsis yeej. Lawv yuav nco ntsoov ib txhiab ib txhis txog hnub lawv poob ntsej muag.

12 HUAB TAIS, koj yog tus kav tsoom tub rog, koj tsom tau tus neeg siab ncaj, koj pom nyob hauv neeg nruab siab. Kuv vam tias kuv yuav pom koj rob caub rau lawv, vim kuv tso kuv rooj plaub rau hauv koj tes.

13 Nej hu nkauj rau HUAB TAIS, nej cav lus zoo txog HUAB TAIS, vim nws npo tus neeg pluag tus plig ntawm cov neeg phem txhais tes los.

Tus vaj siab zoo uas yuav tuaj.

23 : 1 - 8.

23 1 HUAB TAIS, cov lus ceeb toom hais li no. Cov tswv zov yaj ua kom pab yaj tuag, thiab lawv ua kom pab yaj tawg ua lwj ua liam nyob hauv kuv lub tshav zaub. Mas lawv txoj hmoov yuav phem.

2 Vim li ntawd, tsoom His Xas Lais tus HUAB TAIS Tswv Ntuj cem cov tswv zov nws haiv neeg nog zaub tias :

"Nej tau ua kom kuv cov yaj tawg, nej

caum lawv, nej tsis liam fab saib kuv cov yaj. Nyem no kuv yuav tuaj xyuas nej, vim nej cov hauj lwm lim hiam. Yog HUAB TAIS lo lus.

3 Kuv yuav mus sau kuv cov yaj uas tseem nyob txhua lub teb chaws, kuv caum lawv mus.

Kuv yuav coj lawv rov los nyob ua ke hauv lawv tej tshav zaub, lawv yuav txi txiv, lawv yuav huam vam.

4 Kuv yuav ua kom ib co tswv zov yaj sawv los ua hau coj lawv mus nog zaub, lawv yuav tsis ntshai tsis txhawj ntxiv, lawv yuav tsis muaj ib tug ploj.

5 HUAB TAIS ceeb toom li no :

"Nej ntsia saib ! Twb txog lub caij uas kuv yuav tsa ib tug kaus siab ncaj hauv Das Vis tsev neeg. Tus kaus ntawd yuav ua vaj nws yuav xyuam xim, nws yuav ua raws kev ncaj kev ncees nyob hauv lub teb chaws no.

6 Lub caij nws ua vaj mas Yus Das teb yuav txais txoj kev cawm, His Xas Lais yuav tau nyob nyab xeeb. Lub npe uas luag yuav tis rau nws yog :

"HUAB TAIS, peb txoj kev ncaj."

7 HUAB TAIS ceeb toom li no :

"Ntsia saib ! Nyem no txog lub caij yuav tsis hais ntxiv tias : 'Tus HUAB TAIS muaj txoj sia coj tsoom tub ki His Xas Lais nyob nram Hais Nkws Tos teb rov los.'

8 Tab sis sawv daws yuav hais tias :

'Tus HUAB TAIS muaj txoj sia sau His Xas Lais tsev neeg uas nyob teb chaws pej fab thiab nyob txhua teb chaws uas lawv raug luag caum kom lawv rov los nyob khov kho hauv lawv thaj av.'

Npas Npis Los yog HUAB TAIS tub teg tub taws pab muab txim rau Yus Das teb.

25 : 3 - 5 + 7 - 11.

- 25** 3 Xyoo tim kaum peb uas tus vaj
 Yos Xias kav Yus Das teb,
 HUAB TAIS lo lus tuaj txog kuv tau ob
 peb xyoo, kom kuv nquag hais lus rau
 nej, tiam sis nej tsis mloog.
 4 HUAB TAIS nquag xa nws cov tub
 txib Yaj Saub tuaj rau nej, tab sis nej tsis
 tig ntsej mloog lawv. 5 Cov Yaj Saub
 hais tias nej nyias yuav tso nyias txoj kev
 phem tseg thiab nyias tej hauj lwm lim
 hiam tseg, ces nej yuav tau nyob hauv
 lub teb chaws uas HUAB TAIS pub rau
 nej thiab rau nej cov poj yawm txwv koob
 los pem txwv mus txog fab lwm tiam.
 7 Tab sis nej tsis hloov nej cov hauj
 lwm thiab nej ua kom kuv npau taws. Li
 ntawd, mas HUAB TAIS hais li no :
 8 "Nej tsis mloog kuv cov lus, kuv thiab
 tso tus vaj Npas Npis Los Nas Npws Kos
 Dos Nos Xos, ua kuv tus tub txib tuaj ntes
 cov xeem neeg pem qaum teb. 9 Nws
 ntaus lub teb chaws ntawd, thiab cov kuj
 cuab nyob ib ncig. Kuv yuav rhuav lawv
 kom tu noob, yuav muab lawv ntxeev ua
 lwj ua liam, ua kom lawv raug sawv daws
 thuam mus ib txhiab ib txhis.
 10 Kuv yuav ua kom pem qaum teb tsis
 hnov ib lub suab luag lom zem, tsis hnov
 nkauj nyab thiab nraug vauv hais kww
 txhiaj sib teb, tsis hnov ib lub zeb zom
 nrov, tsis pom ib lub teeb ci.
 11 Tas lub teb chaws yuav hloov ua teb
 chaws qub vau tas. Tsoom pej xeem yuav
 mus ua qhev nyob pej kum teb xya caum
 xyoo."
- Mias :
 2 "HUAB TAIS hais li no : koj mus sawv
 ntsug ntawm lub tshav puam nyob hauv
 HUAB TAIS lub tsev. Koj hais kuv cov
 lus rau tas tsoom sid uas tuaj ntawm cov
 tsheej Yus Das tuaj pe HUAB TAIS nyob
 hauv HUAB TAIS lub tsev. Koj yuav
 hais cov lus kuv qhia tas huv si, txhob tso
 ib lo tseg. 3 Nyaj tej zaud lawv yuav
 mloog, ces nyias yuav tso nyias txoj kev
 phem pov tseg, ces cov xwv txheej uas
 kuv npaj xa tuaj rau lawv kuv yuav tsis xa
 tuaj. 4 Koj yuav hais tias HUAB TAIS
 hais zoo li no : 'Yog nej tsis mloog, nej
 tsis mus taug txoj kev cai kuv tsa nyob
 ntawm nej xub ntiag, 5 yog nej tsis txais
 kuv cov tub txib Yaj Saub tej lus uas kuv
 xa tuaj rau nej tsis tseg, 6 mas kuv yuav
 ua rau lub tsev teev Ntuj ib yam li kuv ua
 rau Xis Laus, kuv yuav ua kom lub tsheej
 no hloov ua qhov chaw uas txhua lub kuj
 cuab sib foom hmoov phem."
 7 Cov Leej Choj, cov Yaj Saub thiab tas
 tsoom sid tau hnov Yes Les Mias hais cov
 lus ceeb toom ntawd nyob hauv HUAB
 TAIS lub tsev.
 8 Thaum Yes Les Mias hais cov lus uas
 HUAB TAIS kom nws hais rau tsoom sid
 tas lawm, mas cov Leej Choj thiab cov
 Yaj Saub ntes Yes Lis Mias. Lawv hais
 rau nws tias :
 9 "Koj yuav tuag xwb ! Vim li cas koj
 tuav txog HUAB TAIS lub npe los ceeb
 toom tias lub tsev no yuav zoo li Xis Laus
 thiab lub tsheej no yuav raug ua qub tsev
 vau, yuav tsis tshuav neeg nyob hauv ?"
 10 Nyob hauv HUAB TAIS lub tsev, tas
 tsoom pej xeem txav los ntsauv Yes Les
 Mias vij vog. Cov ntaus thawj kav Yus
 Das hnov tej xwm ntawd lawv tawm
 ntawm tus vaj lub tsev mus pem HUAB
 TAIS lub tsev, lawv zaum ze ntawm lub
 rooj loog tshiab.

**Yes Les Mias ceeb toom HUAB
 TAIS cov lus. Lawv ntes nws.
 26 : 1 - 16 + 24.**

- 26** 1 Thaum Zos Yas Kis pib ua vaj
 nyob Yus Das teb, HUAB TAIS
 ceeb toom ib lo lus li no tuaj rau Yes Les

11 Cov Leej Choj thiab cov Yaj Saub hais rau cov ntaus thawj thiab rau tas tsoom pej xeem tias :

"Tus neeg ntawd tsim nyog raug lub txim tuag, vim nws ua yaj saub hais tej lo lus phem txog lub tsheet no. Nej pob ntseg twb hnov tas lawm."

12 Yes Les Mias hais rau tsoom pej xeem thiab rau cov ntaus thawj tias : "Yog HUAB TAIS xa kuv tuaj ceeb toom cov lus txog lub tsev thiab txog lub nroog xws li nej tau hnov.

13 Nyiam no nej kho nej tus yeeb yam thiab nej tej hauj lwm mas ! Nej mloog nej tus HUAB TAIS Tswv Ntuj lub suab mog ! Ces HUAB TAIS yuav tsis ua yam phem xws li nws hais txog nej.

14 Ntawm kuv, mas nej saib kuv nyob hauv nej tes, nej ua rau kuv raws li nej pom zoo ua, nej ua ncaj mas.

15 Tab sis, kom nej paub meej tias yog nej muab kuv tua tuag mas nej tso ib co ntshav tsis muaj txhaum rau saum nej, rau saum lub nroog thiab rau cov neeg nyob hauv lub nroog. Vim tias yog HUAB TAIS xa kuv tuaj cuag nej tiag kom xwv kuv tau hais tej lus ntawd tas huv si rau nej."

16 Ces cov ntaus thawj thiab tas tsoom pej xeem hais rau cov Leej Choj thiab cov Yaj Saub tias :

"Tus neeg ntawd tsis tsim nyog raug lub txim tuag, vim nws tuav txog peb tus HUAB TAIS Tswv Ntuj lub npe los hais lus rau peb."

24 As His Kas cev tes pab Yes Les Mias, nws txwv tsis kheev kom muab Yes Les Mias rau hauv tsoom pej xeem xav muab nws tua txhais tes.

Yes Les Mias thiab As Nas Nyias sib cav. 28 : 1 - 17.

28 1 Thaum tus vaj Xes Des Xias nyuam qhuav ua vaj kav Yus Das teb tau plaub xyoos, xyoo ntawd thaum lub tsib hlis tus Yaj Saub As Nas Nyias nyob hauv HUAB TAIS lub tsev, nws hais rau tus Yaj Saub Yes Les Mias, rau cov Leej Choj thiab rau tsoom sid hnov tias :

2 "His Xas Lais tus HUAB TAIS Tswv Ntuj kav tsoom tub rog hais li no : Kuv rhuav tus vaj Npas Npis Los tus quab uas nws tso rau saum nej xwb qwb.

3 Ob xyoos ntxiv ces HUAB TAIS lub tsev no yam uas Nas Npws Kos Dos Nos Xos tau nqa mus rau Npas Npis Los lawm, mas kuv yuav nqa rov qab los rau ntawm no. 4 Kuv kuj yuav ua kom Yes Kos Nias uas yog tus vaj Yus Das thiab yog Yuas Kis tus tub, thiab tas cov Yus Das mus nyob txim nyob Npas Npis Los rov qab los. Kuv yuav rhuav tus vaj Npas Npis Los tus quab ! Yog HUAB TAIS lus ceeb toom."

5 Ces tus Yaj Saub Yes Les Mias hais rau As Nas Nyias nyob ntawm cov Leej Choj thiab tas tsoom sid xub ntiag nyob hauv HUAB TAIS lub tsev hnov tias :

6 "Ua li mas ! Thov kom HUAB TAIS ua raws li koj nyuam qhuav hais tas : yam li kom tej twj nyob hauv HUAB lub tsev thiab cov neeg nyob txim sawv daws rov qab los tas.

7 Tab sis koj mloog zoo cov lus kuv yuav hais rau koj pob ntseg, thiab rau tas tsoom sid pob tseg. 8 Cov Yaj Saub ua koj ntej thiab ua kuv ntej sawv daws tsuas ua Yaj Saub hais txog kev ua tsov ua rog, kev tshaib plab thiab kev muaj txiab muaj nkeeg yuav los raug ntau haiv neeg, ntau lub teb chaws xwb.

9 Tus Yaj Saub xub tshaj tias yuav muaj kev thaj yeeb, mas yog thaum muaj xwm tshwm sim raws li nws cov lus mas thiaj

paub tseeb tias yog ib tug tseem Yaj Saub uas HUAB TAIS xa tuaj tiag."

10 Ces As Nas Nyias chua ntia tus quab saum Yes Les Mias caj qwb los tsoo pov tseg thiab nws hais rau tsoom sid hnov tias :

11 "HUAB TAIS hais li no : ob xyoos ntxiv mas kuv yuav tsoo Nas Npws Kos Dos Nos Xos tus quab yuam cov kuj cuab ib yam li no."

Ces Yes Les Mias mus lawm.

12 Thaum tus Yaj Saub As Nas Nyias tsoo tus quab li ntawd tas, mas HUAB TAIS hais rau Yes Les Mias tias :

13 "Koj mus hais rau As Nas Nyias tias HUAB TAIS lo lus hais li no : Koj tsoo ib tug quab ntoo ! Ua li mas kuv yuav muab ib tug quab hlau los hloov ! 14 Tus HUAB TAIS kav tsoom hnub qub, His Xas Lais tus Tswv Ntuj hais li no : Kuv yuav muab ib tug quab hlau rau cov haiv neeg no ris tib si, lawv yuav tsob hwb

Nas Npws Kos Dos Nos Xos tus vaj kav Npas Npis Los. Tab yog cov tsiaj nyob nruab liaj nruab teb, kuv yuav muab rau nws huv tib si."

15 Tus Yaj Saub Yes Les Mias hais rau tus Yaj Saub As Nas Nyias tias :

"As Nas Nyias, koj mloog zoo zoo. HUAB TAIS tsis tau xa koj tuaj, koj tuaj ua kom tsoom sid ntseeg tej yam yuam kev xwb. 16 Vim li ntawd HUAB TAIS hais li no : Kuv ntiab koj kom txhob nyob hauv lub ntiaj teb no ntxiv. Xyoo no koj yuav tuag vim koj qhia kom sawv daws ntxeev siab rau HUAB TAIS."

17 Xyoo ntawd, thaum lub xya hli mas As Nas Nyias tuag tiag.

HUAB TAIS cog lus tias yuav rov tsa His Xas Lais qaum teb.

30 : 1 - 2 + 12 - 15 + 18 - 22.

30 1 HUAB TAIS lo lus tshwm los txog Yes Les Mias zoo li no :

2 "His Xas Lais tus HUAB TAIS Tswv Ntuj hais li no : Cov lus kuv hais rau koj, koj muab sau rau hauv ib phau ntaww."

12 HUAB TAIS hais li no :

"Koj cov pob txha lov yuav tsis sib txuas. Koj lub qhov txhab yuav tsis hlav.

13 Tsis muaj leej twg tuaj koj tog, koj lub qhov txhab hlais tsis txawj hlav, koj qhov qawj tsis txawj nqawm.

14 Koj cov phooj ywg hlub koj tsis nco txog koj lawm, lawv tsis nrhiav koj ! Kuv cia koj raug txim zoo li koj yog kuv ib tug yeeb ncuab, vim koj ua ib qhov txhaum koj thiab koj cov txhaum ntau ntau.

15 Vim li cas koj thiaj ntsaj txog koj cov pob txha lov tsis txawj txuas, txog koj tus mob tsis txawj zoo ? Tos kuv tau ua li ntawd rau koj yog vim koj cov txhaum loj thiab hnyav kawg.

18 HUAB TAIS hais li no :

"Kuv yuav pub lwm txoj hmoov zoo rau Yas Kos cov tsev tsam phooj. Kuv yuav hlub lawv tej tsev neeg, lawv yuav rov qab txhim lub tsheej, yuav rov tsa lawv cov tuam tsev.

19 Lawv yuav rov hais tej zaj nkauj cav txog Ntuj, lawv yuav rov luag lom zem. Kuv yuav ua kom lawv huam vam, lawv yuav tsis tsawg zuj zus. Kuv yuav ua kom lawv muaj koob meej, kuv yuav tsis ua kom lawv me zuj zus. 20 Yas Kos tsoom xeeb zeej xeeb ntxwv yuav rov sawv ntseg li thaud, lawv tsoom neeg yuav nyob ruaj nreb ntawm kuv xub ntiag. Kuv yuav ua nruij rau cov haiv neeg hiam Yas Kos.

21 Tus yuav ua tswv kav Yas Kos yuav yog ib tug txhawv hauv Yas Kos los, nws tus vaj tawg ntawm nws xub ntiag los. Kuv yuav ua kom nws txav los. Nws yuav los cuag kuv. Yog kuv tsis coj nws tuaj

cuag kuv, nws puas yuav muaj peev xwm tuaj cuag kuv. 22 Nej yuav ua kuv haiv neeg, kuv yuav yog nej tus HUAB TAIS."

HUAB TAIS yuav rov tsa His Xas Lais. 31 : 1 - 9.

31 1 HUAB TAIS lo lus ceeb toom hais li no :

"Lub caij ntawd kuv yuav yog tas cov xeem His Xas Lais tus Tswv Ntuj, lawv yuav yog kuv haiv neeg."

2 HUAB TAIS hais li no :

"Haiv neeg uas lawv dim ntawm rab ntaj, lawv tau txais txiaj ntsim nyob hauv lub teb chaws suab puam. His Xas Lais taug mus txog lawv lub chaw so. 3 HUAB TAIS tawm tuaj nyob deb deb rau lawv pom. Kuv nyiam koj, kuv lub siab hlub koj mus li. Kuv tau rub koj los cuag kuv, kuv lub siab npuab koj."

4 His Xas Lais, Ntxhais nkauj xwb, kuv yuav rov tsa koj, ces koj yuav rov sawv ua ib haiv neeg, koj yuav tawm los ntaus nruas thiab dhia lom zem.

5 Koj yuav rov cog ntoo txiv cawv rau saum cov roob Xas Mas Lias. Cov cog txiv ntoo yuav tau de cov txiv.

6 Muaj ib hnub uas cov peeb zov hmo yuav qw saum lub roob Es Fais tuaj tias : Peb kav tsij sawv tsees ! Peb mus pem Xis Yoos, mus cuag peb tus HUAB TAIS Tswv Ntuj.

7 HUAB TAIS hais li no :

"Nej kav tsij qw suab zoo siab txog Yas Kos mas ! Nej cav lus zoo txog ntiaj teb thawj lub kuj cuab ! Nej qw nrov nrov kom sawv daws hnov, nej hais tias :

HUAB TAIS cawm nws haiv neeg lawm, yog pab seem His Xas Lais !"

8 "Kuv coj lawv pem lub teb chaws

pej fab rov los. Kuv sau lawv tim npoo ntiaj teb rov los. Kuv sau tus dig muag nrog tus ceg tawv, sau tus poj niam muaj me nyuam nrog tus tseem nyob nruab hlis. Tas sawv daws ua lub txoos loj rov los ntawm no !

9 Thaum ub lawv mus, lawv quaj. Kuv coj lawv los, lawv muaj ntau yam nplij lawv. Kuv coj lawv mus cuag cov dej ntws, mus taug ib txog kev tiaj, lawv yuav tsis dawm ko taw. Vim kuv yog ib leeg txiv hhub His Xas Lais, thiab Es Fais yog kuv tus tub hlob."

HUAB TAIS yuav nrog nws haiv neeg rov cog lus. 31 : 31 - 34.

31 HUAB TAIS ceeb toom lo lus no :

"Lub hnub nyoog uas kuv yuav nrog His Xas Lais thiab Yus Das cog lus tshiab tuaj yuav txog. 32 Tsis yog cov lus zoo li kuv tau nrog lawv cov yawg koob cog, hnub uas kuv tau tuav lawv tes coj lawv tawm hauv Hais Nkws Tos teb los. Lawv nrauj lo lus kuv nrog lawv cog ntawd lawm. Kuv yog lawv tus tswv, tab sis lawv nrauj kuv lo lus. 33 Tab sis kuv yuav rov nrog His Xas Lais cog lus dua. Thaum ntawd mas kuv yuav ua zoo li no : Kuv yuav muab kuv Txoj Cai cog rau hauv lawv. Kuv yuav sau kuv Txoj Cai nyob hauv lawv nruab siab.

Ces kuv yuav yog lawv tus Tswv Ntuj, lawv yuav yog kuv haiv neeg.

34 Thaum ntawd, tsis tas lawv yuav sib qhia, tsis tas ib tug hais rau ib tug tias :

"Koj yuav tsum paub HUAB TAIS mas !" Hos thaum ntawd lawv yuav paub kuv tas huv tib si, tsis hais cov yau los cov hlob. Vim kuv yuav zam rau lawv, kuv yuav tsis nco txog lawv cov txhaum ntxiv lawm.

**Yav tom ntej HUAB TAIS yuav pub
ib tug coj His Xas Lais.**

33 : 14 - 18.

33 14 HUAB TAIS ceeb toom lo lus no :

"Tshuav tsis ntev yuav txog lub hnub nyoog kuv yuav ua kom muaj xwm tshwm sim tuaj raws li lo lus zoo uas kuv tau hais rau saum His Xas Lais thiab rau saum Yus Das tsev neeg tias : 15 Thaum txog lub zim txwv ntawd kuv yuav ua kom ib tug kaus coj kev ncaj hlav tuaj. Nws yuav coj kev ntshiab nyob hauv lub teb chaws.

16 Lub zim txwv ntawd Yus Das yuav txais kev cawm. Yes Lus Xas Les yuav tau nyob nyab xeeb. Kuv yuav tis npe rau lub tsheej ntawd hu ua :

"HUAB TAIS yog peb txoj kev ncaj."

17 HUAB TAIS hais li no:

"Tsis muaj ib zaug uas nyob hauv Das Vis cov xeeb ntxwv yuav tsis tshuav ib tug yuav zaum His Xas Lais tsev neeg lub theej kiab.

18 Tsis muaj ib zaug uas nyob hauv cov Leej Choj Les Vis lawv tej xeeb ntxwv yuav tsis tshuav ib tug sawv nyob ntawm kuv xub ntiag, tsis tshuav tus ua lub thaj hlawv cov tsiaj, tsis tshuav tus hlawv cov tsiaj ncho pa, tsis tshuav tus niaj hnub ua thaj txi Ntuj."

**Lawv tso Yes Les Mias rau hauv
lub qab qhov dej.**
38 : 4 - 6 + 8 - 10.

38 4 Cov nom tswv hais rau tus vaj tias :

"Yes Les Mias, tus neeg phem ntawd, koj muab nws tua mas ! Vim nws hais ib co lus tsis zoo ua kom cov tub rog zov lub nroog thiab cov pej xeem ntaus siab me. Tus ntawd tsis xav nrhiav kev cawm tsoom pej xeem, nws coj lawv mus raug txom nyem."

5 Tus vaj Xes Des Xis teb tias :

"Nej ntsia, nws nyob ntawm no. Nws nyob hauv nej tes. Tus vaj ua tsis tau dab tsi los tiv nej !"

6 Lawv ntes Yes Les Mias, lawv muab nws pov rau hauv vaj tus tub hu ua Mas Kis Yas Hus lub qhov tim thaj uas nyob hauv lub tshav zov keeb. Lawv muab hlua tso nws nqes mus hauv lub qhov tim thaj. Nyob hauv lub qhov tim thaj tsis muaj dej, tab sis muaj av nkos, ces Yes Les Mias zom rau hauv cov av nkos.

8 Es Npes Mes Les, yog ib tug neeg sam ua kab xwm hauv tus vaj tsev. Nws tawm hauv vaj ntxwv lub loog tuaj hais rau tus vaj tias :

9 "Huab tais vaj ntxwv, cov neeg ntawd ua tsis zoo rau tus Yaj Saub Yes Les Mias, lawv muab nws pov rau hauv lub qhov tim thaj mas nws kawg yuav tuag nyob hauv xwb."

10 Ces tus vaj hais rau Es Npes Mes Les tias :

"Koj coj peb tug neeg nyob ntawm no nrog koj, nej mus thanu tus Yaj Saub Yes Les Mias tawm los cheem nws tseem muaj txoj sia."